

تورک پوردی

تورکلرک فائده سنه چالیشیر
اون بش کونده بر چیقار

ییل ۷ - جلد ۱۴ - عمومی صای ۱۵۳
۱۶ شباط ، ۱۳۳۴ - صای ۳

لبنانه خاطره‌ری

کوزلرم بر دورلو بو آچیق ده کزک سیرینه
 دویمیوردی. افقلری، حیاتک خرده ایزلری
 بر نوع و قایله صاقلایان، هر ذره سی قیریق دو کوز
 بر پارچه تاریخ اولان قاره لردن صوکر بوده کز،
 اوستده هر ایزی غائب ایدن، نه اونوتغان بر
 عالمی! . یوقاریده کی کوزلره برابر مهادی
 ده کیشیور، حافظه سز بر دماغ کبی کوردکاری
 داغیور، سیلیور. . روحه دولان بوتون
 حیرت و انشراح حسیله برابر، بر آزده غریب
 بر قورقو دویدیغی فرق ایدیوردم. انسان
 اونک شیمدی ساکن دوران عظمت و قدرتی
 قارشینده بیله روحنک یندیکنی حس ایدیور.
 آق دکر، اسکی، بویوک وطنک سلطنت بولی
 شمیدی عاجز وطنک اوکنده بر محبس دیواری
 کبی دیکلمشدی. و او بوکولکی ساحلر مزده
 بردشمن عنصر اوله رق دوریوردی. ماصالرک
 اوستده بر قوش اوچایان، بر کروان کچمین
 دیارلری کبی هیچ بر طرفنده بر دومان، بر
 یلکن پارچه سی کور و نیمیوردی. اوشیمدی چول
 سالی قدر، خلقتک ایلک ده کرلری قدر
 بوشدی. تورک قرده کر، و آق دکر، اضمیخالنک
 عینی فلاکت چرچیوه سیله محاط اولدیغی خاطر-
 لادم. یوقارده، قریم، افلاق، بغداد،
 طونه ولایتی، روم ایلی شرقی، قفقاس ساحلری
 بزدن قوپوب آیرلمش، یابانچی ایلره کچمشدی.
 بوراده، مصر، طرابلس، جزایر، تونس،
 کرید، قبریس، روم ایلی، هپسی، بتون بر
 عالم، بر عصره وارمایان بر مدت ظرفنده
 عمومی بر انهدام ایله چوکوب کیتمشدی.
 شه سز اطراف آرتق بزدن اولمایان آق دکرک

صوکرک اوکنده بعض کوزلرک لردن
 صوکره دره لر، وادیلر آره سندن بیرونه دوغرو
 بر بوغاز آچیلور.
 جاملره اورتولو قارشیلقلی بر چوق بورونلر
 و بویشل، درین بوغازک نهایتده مسافه ایله ینلری
 صقشمش بیروت و آرقده آنکین ماویسیله آق-
 ده کز کورنیور.
 صاحبک سرین و تازه بر ساعتده بو منظره یی
 کورمک ایچون بر صیرنه دوغرو ایلدرلدم.
 عمرمه ایلک دفعه اولقی اوزره داغ تپه لردن
 افقلری روحه حیرت ویردن بر کنیشلکله
 آچیلش بر دیش ده کز سیر ایدیوردم. قره
 یوللرنده بر چوق دولاشدقدن صوکره نهایت
 اونک قارشسته گلشدم. و اونک قارشینده ایچ
 عالمک فصل قاپلیق، دار و محبوس بریر اولدیغی
 ادراک ایتدم. حیران کوزلرم شمیدی به قدر بویله
 بروست کورمه مش و روح شمیدی به قدر بویله
 منشرح و آزاد بر حس دویمامشدی. کونک برنده
 روحک وجوددن قورتللی مقدرسه، هیچ شبهه
 ایتیورم، شمیدی دویدیغم حسیله، عن انشراح ایله
 کوزلره ملاقی اوله جقدر. صباح کونشی بلکه
 درین صولره هنوز بوسوتون حلول ایتمه مشدی؛
 و فیرطینه سز، ساکن بر کیجه نک درین، کنیش
 اویقوسی، ده کزک اوستدن هنوز قالمما مشدی.
 اوکنده آق ده کز بوتون مسافه لری قاپلامش،
 فاس اندلس افقلرینه قدر نهایتسز وسعتلری
 سرمش یاتیوردی. تا ایلریده فاس، اندلس
 ساحلرینه قدر یکریمی مملکت عین ماوی بوشقلره،
 عین آنکین میدانه باقره رق دوریور. ایلک کونلر-
 دنبری مرمردنک داراجق افقلری اوسته آچیلش

شیمدی روحی ده بزدن دکدی . ایچمده برآز
 صوکره کیت کیده فرق ایستدیکم غریب قورقوبه
 سبب بلکده بوایدی . فقط شیمدی هپسندن
 فضله ، وسعتلرک ویردیکی حیرتدن ، اوده منیکی
 انشراحندن ، هپسندن فضله دالغین بر حزن
 ایچمده یالیمیه باشلامشدی . سکز سنه اول
 قارده کیزده کچیردیکم ایلاک اقشام بوکونک
 صوک حسیه نه قدر قارده شدی . آکلادم که
 بوکونکی تورک چوجوغنه وطنک هیچ برکوشه منی
 بدبخت اولقمسزین کزیمک نصیب اولیوردی .

آشاغیده ، بوکون عمومی بر شهرت قازانمش
 اولان (عالیه) یی کوریسوردم . بورمانا ،
 بکمری بورونلری ، هر طرفی برسیس قاپادینی
 زمانلرده بیله عالیه ، کونشی غائب اتمیور .
 دالغلر اورتاسنده بر آطه کی سیسلرک اوستنده
 قالیبور ، و بولوطلرک روزکارله آقان ، بوروین
 ده کیزنی یوقاردن بر باقیشله سیرایدیور . ساحلده
 « قوملق » موقنک صاری ، بویوک لکهای
 یاننده ، طاش بنالرینک کونش وورمش قیرقلریله
 کورون بیروت ولبسان ، یان یانه ایکی آیری
 موسم اوله رق دوریور . تپه لرده قیش باشلادیغی
 وقت بر قاچ باصه ماق اینمک ایلاک بهاری بولمق
 ایچون کافیدر . یوقارده صوئوق یاغمورلر ،
 اوغولتیلی روزکارلر حکم سوررکن ، اشاغی ،
 بیروت بانچه لرنده ، خرمارلرک کولکه لرنده ،
 طورونج ، لیون ، پورتقال آغاچلرینک اطرافده
 بیاض البسه لریله دولاشان کیمسه لر کورونور .
 ساحلده یازقوتله باشلادیغی زمان بر قاچ باصه ماق
 چیمق ، خلقتک الک کوزل منظره لریله
 بر ایلاک بهار بولمغه کفایت ایدر . بهار ، لبنان
 دنیلن کنیش مردیومک ، باصه ماق لرنده یالکمز

جنوب ده کرلرینک ماس ماوی بویوک
 فیروزه سی اوکنده لبنان ، دائمی بهاریله یکپاره
 بر زمرد ایچنه اوبولمش یشیل برملکتدر .

— صمد صبی —